



CONCELLO A GUARDA

(PONTEVEDRA)

REGULAMENTO PARA A XESTIÓN E CELEBRACIÓN DE FESTAS DE PROMOCIÓN GASTRONÓMICA EN A GUARDA

ARTIGO 1.-

O obxecto do presente regulamento para a xestión e celebración de festas de promoción gastronómica en A Guarda, en especial a Festa da Lagosta e da cociña mariñeira, é regular a actividade de promoción, xestión e organización das festas de marcado carácter gastronómico que sexan asumidas polo propio Concello da Guarda e que teñen lugar no noso termino municipal.

ARTIGO 2.-

No ámbito da competencia local que, con carácter xeral, se sinala nos arts. 25.1. e 2.m) e 85 da Lei reguladora de Bases de réxime local, e art. 116 da Lei de Contratos do Sector Público, o Concello de A Guarda asume como propia a actividade de promoción, xestión e organización da Festa da Lagosta e da cociña mariñeira, que ten lugar na localidade da Guarda.

Ao ser unha actividade exercida en virtude da potestade de imperio desta entidade pública non terá, polo tanto, a consideración de actividade profesional nin empresarial e os recursos que se poidan obter pola promoción dos produtos que se contemplan neste regulamento non serán establecidos nin obtidos nunca con carácter oneroso.

ARTIGO 3.-

1.- De conformidade co art. 85 da LBRL o servizo público da promoción, xestión e organización de festas de promoción gastronómica, tales como a Festa da Lagosta e da cociña mariñeira, poderán xestionarse por algunha das seguintes formas:

- a) Xestión directa: mediante Xestión polo propio Concello; Organismo autónomo local; Entidade pública empresarial local; Sociedade mercantil local de capital integramente local.
- b)
- c) Xestión indirecta: mediante concesión; xestión interesada; concerto ou sociedade de economía mixta.

ARTIGO 4.-

1.- O artigo de promoción por excelencia na Festa da Lagosta e da cociña mariñeira será a lagosta; os outros produtos autorizados serán os mariscos e produtos da pesca, empanadas de ditos produtos, viño e pan; ademais de refrescos, auga, doces e postres, que terán o carácter de produtos accesorios.

2.- Mentres o Pleno non acorde outra modalidade, o sistema de xestión para a celebración da Festa da Lagosta e da cociña mariñeira será o de xestión directa polo propio Concello, agás os postos adicados a promoción e venda de produtos de pesca e da acuicultura, empanadas, viño e pan que poderán ser adxudicados mediante concesión mentres non se varíe a forma de xestión polo mesmo.

Calquera outra festa de promoción de produtos da nosa gastronomía que se acolla ao especificado neste Regulamento deberá contar coa preceptiva a autorización do Pleno da Corporación.



CONCELLO A GUARDA

(PONTEVEDRA)

ARTIGO 5.-

No caso da adxudicación dos postos de promoción e venda de produtos da "Festa da Lagosta e da cociña mariñeira" deberán ser elaboradas as bases correspondentes nas que se deberán respectar os principios da contratación pública establecidos na lexislación contractual vixente e a adjudicación do servizo correponderalle ao órgano competente de conformidade coa lexislación de rémuxe local.

ARTIGO 6.-

En todo o caso o Concello exercerá a necesaria intervención administrativa, a vixilancia sanitaria e os poderes de policía necesarios para asegurar a boa marcha do servizo.

ARTIGO 7.-

Os postos ou stands poderán ser establecidos polo Concello ou directamente polos adxudicatarios. No caso de que no réxime de xestión indirecta o posto, stand ou outro material sexa achegado polo Concello, o adxudicatario comprometerase a devolvelo en perfecto estado e quedará obrigado, no caso contrario, a aboar a deteriorización con independencia da sanción que puidese ser imposta.

ARTIGO 8.-

O Concello non asumirá responsabilidades polo danos, substraicións ou deterioro de mercadorías ou material. Tampouco asumirá as responsabilidades da súa custodia.

ARTIGO 9.-

O establecemento ou modificación dos prezos de promoción dos produtos e as entradas para exposicións durante a Festa a cobrar ós usuarios serán establecidos pola Xunta de Goberno do Concello, sendo en todo caso uns prezos adecuados ós prezos de mercado.

ARTIGO 10.-

Persoal colaborador:

1. Concello poderá servirse do seguinte persoal para estas actividades:
 - a) Persoal propio da Corporación, que atenderá preferentemente os actos e actividades que impliquen exercicio de autoridade ou de responsabilidade. Este persoal poderá percibir gratificacións na nómina correspondente polos traballos que realice fóra da súa xornada habitual.
 - b) Persoal contratado eventual por tempo determinado para a realización de cometidos específicos da festa. Estarán vinculados á Corporación por unha relación de carácter laboral. Para a súa contratación non será preciso que figuren no cadro de persoal eventual da Corporación.
 - c) Persoal voluntario non pertence á Corporación e que deseara participar na relación dos actos ou actividades da festa. As súas funcións serán preferentemente traballos de colaboración que non impliquen exercicio de autoridade nin de responsabilidade principal na custodia ou manexo dos caudais públicos.



CONCELLO A GUARDA

(PONTEVEDRA)

- d) Para este persoal, que non terá relación laboral ningunha coa Corporación, subscribirase a cargo ao orzamento da festa nunha póliza de accidentes persoais e outra de responsabilidade civil. Non percibirán salario nin outra retribución, agás as indemnizacións que para desprazamento, manutención ou aloxamento aprobe a Xunta de Goberno para sufragarlles os gastos que lles ocasione a súa dedicación.

ARTIGO 11.-

En todo o non previsto no presente Regulamento rexerá a lexislación vixente en materia de contratos das administracións públicas, a Lei reguladora das bases de réxime local e a demais normativa que resulte de aplicación.

ARTIGO 12.-

Correspóndelle ao Pleno do Concello a aprobación, modificación ou derogación do presente regulamento.